



UNIVERSITÄTS-
BIBLIOTHEK
PADERBORN

Claudii Fleurii Abbatis Historia Ecclesiastica

Ab anno Christi 1644. usque ad annum 1651

Fleury, Claude

August. Vind. [u.a.], 1779

VD18 90119177

§. 56. Primæ Sessiones hujus colloquii.

[urn:nbn:de:hbz:466:1-67359](https://nbn-resolving.org/urn:nbn:de:hbz:466:1-67359)

„bus agentur. Quicquid hi scripto ex-
 „ceperint, ab omnibus partibus ratum
 „habeatur, a Moderatoribus partium
 „subscribatur, annulo sex Deputato-
 „rum obsignetur, &c.

Sæc. XVII.
 A. C. 1645.

Perlectis his omnibus Catholicorum
 Præses paucis exposuit, quod hoc col-
 loquium Romanæ Ecclesiæ, Synodi
 Provincialis Varsoviensis, necnon Ula-
 dislai Regis auctoritate & mandato ha-
 beatur, proin sperandum esset, adver-
 sæ partis Theologos nihil non pro pace
 Ecclesiastica feliciter restituenda ten-
 turos: absoluto hoc sermone Zbi-
 neus pro reformatis differens subjun-
 xit: illuxisse tandem bonis omnibus de-
 sideratissimam diem, quam & Majores
 sui & ipsi posteri videre exoptarunt, ut
 audiri possent & evincere, nec illos
 nec seipfos a communi sancta Matre,
 vera catholica Ecclesia unquam se-
 cessisse, aut secedere voluisse: hinc ma-
 ximas deberi Uladislao, Patriæ Patri,
 gratias, addita pollicitatione, se om-
 nem in amore veritatis candorem ad
 tam sacrum negotium allaturos, &c.

§. LVI.

Primæ Sessiones hujus colloquii.

Altera die prima habebatur Sessio, in *Sæger. Hist.*
 qua denuo inter Calvinistas & Lu- *Eccl. 1. 5.*
 thera- *cap. 1.*

Sæc. XVII
 A. C. 1645. theranos Prædicantes altercatio ferve-
 re cæpit, hi enim potio-rem sibi locum
 vendicabant, eoquod tam in Regio e-
 dicto, quam in pluribus aliis ejusmodi
 congressibus a longo jam tempore ante
 Calvinistas nominati collocatique fuis-
 sent, e contrario autem Calvinistæ
 præminentiam suorum Patronorum,
 scilicet Electoris Brandenburgici, alio-
 rumque crepabant: Lutheranis tamen
 cedere cogebantur. Demum vero Ca-
 tholici reformatis conditiones, quas in
 prima actione observare vellent, pro-
 posuere: erant autem hæ: I. in hoc
 congressu duntaxat Catholicæ fidei do-
 ctrina dilucide exponatur II. cuncta,
 quæ Rex observari vult, integre ser-
 ventur III. nihil de actis hujus collo-
 quii ullo modo promulgetur, priusquam
 Rex protocollum promulgaverit. IV.
 Accepta Catholicorum doctrinæ decla-
 ratione nihil præter eam Catholicis
 imputetur. V, In congressibus sine ul-
 lis ambagibus statim ad rei summam
 procedatur. VI. In quo articulo Lu-
 therani & Calvinistæ conveniunt, non
 plures, quam duo disputent, qui pro
 utraque parte agant. Vicissim vero
 Calvinistæ a Catholicis postulabant,
 Scripturam Sacram recte secundum
 fontes Hebraicos & Græcos versam, justo
 debitoque modo intellectam & explica-
 tam,

tam, pro Regula, norma & amussi habenda: ad illustranda Scripturæ dicta, quæ vel nimis obscura vel ambigua videbuntur, admittendum Patrum trium primorum sæculorum testimonium; non tamen certum & indubitabile, nisi ex genuinis, indubitatis & incorruptis documentis erutum sit, & consensu manifesto atque demonstrato roboratum compareat: inter partes denique de titulis, quibus colloquentes inter se uti debeant, conveniendum.

Insuper petebant, ut duobus illis Prædicantibus, qui in arenam descensuri essent, priusquam ad proposita respondeant, temporis spatium concedatur, ut suorum Collegarum sententiam prius exquirere possint, colloquium vero infra quatuor hebdomadas finiatur, & acta utrinque subscripta intra semestre typis edantur.

His privatim peractis Catholicorum Præses Hymnum, *Veni creator &c.* intonabat, quo finito Catholici Notarii in manibus Episcopi, Protestantes vero in manibus Legati Regii juramentum præstitere: die trigesima Augusti ob Lutherani Præsidis infirmitatem nulla habebatur Sessio, inclinante tamen eadem die Lutherani declararunt, se Augustanæ Confessioni firmissime in hæsueros, ac si opus esset, consignatu-

ros

Sæc. XVII.
A.C. 1645.

Sæc. XVII. ros synopsis controversiarum, dummodo
A. C. 1645. do Catholici, qui primi ceteros invit-
 tarunt, antea explicent, in quibus arti-
 culis consensum Augustanæ confes-
 sionis expetant: ad hæc necnon ad Cal-
 vinistarum postulata Catholici altera
 die responderunt, & Calvinistæ sequenti
 die suam fidei Confessionem Catholicis
 tradidere, profitentes, Scripturam Sa-
 cram pro unica fidei regula se agno-
 scere: neque tamen in ambiguis do-
 ctrinæ capitibus Symbola Ecclesiæ a-
 spernari, sed Apostolicum, Nicenum,
 Constantinopolitanum, Ephesinum, Chal-
 cedonense, & Athanasianum dilucidan-
 dæ rei etiam adhibere: quin & quæ
 quinta & sexta Synodi Nestorianorum,
 & Eutychianorum reliquiis opposue-
 rint: quicquid denique primitiva Ec-
 clesia ab ipsis usque Apostolorum tem-
 poribus unanimi & notorio consensu
 tanquam necessarium fidei articulum
 crediderit, id & se ex scripturis cre-
 dere & docere. Quod ad controver-
 sias, Patrum suorum tempore exortas,
 in iis se accedere Augustanæ Confes-
 sioni vel invariatae vel Variatae, con-
 sensui item Sandomiriensi anno 1570.
 cuso. Sin autem Romano-Catholici
 singularum controversiarum distinctio-
 nem & specialiolem explicationem re-
 quirerent, se illam non denegaturos:
 modo

modo ipsi candidam & apertam doctrinæ suæ declarationem ipsis ante considerationem offerrent. Sæc. XVII.
A. C. 1645.

Haud reluctantes eis Catholici suam tradiderunt confessionem fidei, utpote jam a septendecim ferme sæculis toti orbi cognitam: In sessione quarta die secunda Septembris decisa fuere varia ad ipsam collationem spectantia: in quinta demum Sessione agitatum, quisnam titulus Catholicis in actis tribuatur; Protestantes enim illos *Romano-Catholicos*, Catholici vero absolute se *Catholicos* nominari petebant: conventum tandem, ut Notarii Catholici scribant absolute *Catholici*, Protestantes vero Notarii, vel simpliciter *Protestantes*, vel cum addito: *Lutheranos aut Calvinistas* annotent. Postmodum a Lutheranis ridicula mota erat quæstio, an Calvinistæ nominentur *Socii Augustanæ Confessionis*, reclamabat autem vehementer Hulfemannus, Calvinistas objurgans, quod Augustanæ Confessionis societatem & communionem etiam quoad dogmata sibi vindicare, idque actis inserere ausi fuissent, Demum in Sessione V. & VI. de actorum Protocollo typis evulgando actum est.